

遜

學

齋

詩

鈔

遜學齋詩鈔卷第五

瑞安孫衣言琴西

古體詩三十六首

八月六日移直園廬座主黃縣相國祈所居以居子

戲簡諸同人

官居圓嶠仙蓬壺四圍湖水中吳艫環以楊柳松柏榆老葑
如雲菱慈菇植立不礙青芙蓉入門脩竹風舒舒七尺以上
鳳尾扶牆隅小草椒聊且或不知名青紛萼誰所種植誰辟
除宛與我意爲歡愉神仙官府繁有徒紛紛鵲巢鳩來居翰
林丈人授我廬我廬雖小清有餘後顧倭丈良峯匡鶴泉劉
融齋朱桐軒前有殷兄來徐徐譜經學士隔水相見聲相呼
太史朱尚書

西偏老屋猶渠渠西山滴翠來庭隅秋雨洗出脩眉姝短牆
三尺遮縈紆行當決去爲碧疏飽看水墨披全圖此勝欲誇
諸公無談經況作三天趨天上自與人間殊梁王諸子瑤璠
璵何以貯之先秦書但恨孫通非達儒有讀書處爲殿三層皆
前日垂天賦謂之前天中曰中天景物謂之
中天后日後天不老謂之後天統謂之三天

與少鶴穎叔遊寶藏寺

退食日方中我友已三請並驅趨西山無事逐幽屏細逕石
犖确馬瘦不敢騁招提懸蒼崖未到已矯頸須臾陂陀窮遂
得佛地靚石泉鳴珮環手掬不待綆我視林子笑出煮君家
茗盆中黃金花廣寒散秋影頗聞娛驕豪安能忍寂靜稍南
蒼雪菴何年出榛梗坐拓僧窗明盡納十里景蕩臂俯平湖

決皆入層嶺闔黎能留客柰此天色暝歸途迎清風微酒吹
已醒卻顧所來徑白雲帶高迴神臯拱帝都奧壤蓄奇境一
官共浮沈出入無畦町勝游此發機後懦喪前猛作詩告同
人秋風日涼冷

與小鶴穎叔飲湖上樓賦此索和

高樓正對明湖水倒影垂楊散蒼翠雨餘洗出西山青眉黛
吳娘澹相媚數旬不共酒盃春樓中風物眼中人但捲珠簾
向湖淥令人愁憶六街塵

予園中直廬程春海先生嘗居之屋後小阜有杜二先
生所爲作賦者

未央宮中萬年樹往往蓬蒿相爾汝程公儒林古丈人一篇

爲汝生青春承明侍書迫秋節人道春花照晴雪枝頭絳實
尙二三弄色丹朱爲誰悅前輩風流今渺然紛紛蒲柳隨風
煙卻憶高吟日繞樹相如子雲多奇篇食筍軒窗程公室程
郎居此號
食筍齋細竹門前共秋碧庭柯不厭日摩挲豈徒惜此虬
龍質

定甫戶部亦爲杜詩見示詞意甚美予復和作

春官爾雅富箋注近得王郎繼高句幾回吟賞芳華姿那許
世人知其故小寒十月尙陽春白棟丹砂照眼新但愁歲月
垂垂老斗酒相思霜霰晨

消寒第一集林穎叔齋中晤劉徵君炯甫

存仁

出示粵

嶠從軍圖從林文忠督師廣西時作也

冬半尙無冰寒氣久未至林侯召我飲同志集三四越醪天
馬駒臨觴不能醉坐客漢廉孝下郡貢上士腹中虎鈴經征
南昔書記傳聞初視師豺豕斂狂獠茫茫鹿洲祠文忠力疾至潮州卒
于監鼎元祠大星黯墮地遂令括輩來妖燄不復制寒宵拜遺影
四坐或隕涕我掌柱下史頗悉海上事當年辦西夷鋒穎患
過厲留侯美婦人善病乃無技斯人張韓徒於古特強吏世
變益才難黃口亦置寄兵氣久不銷東南亂如沸吾子兵閒
來未用咎天意相向酒盃深廟堂有高議

葉潤臣孔繡山招集孔邸拜韓文公像得崖字

韓公文章揚馬濟南投五嶺觀濤崖惡魚自拔潮海涯北歸
石廩開煙蘿彼獨何心相擊排今人乃發懷古懷漢陽葉二

孔五偕堂堂七尺君高齋有儒數生升厯階籍湜滿座肩相
挨今皇有道臣忠佳天兵下驅驅與豺我恨作文枚臯
俳安得公來書平淮

錢萍石少廷尉

寶青

齋中消寒第二集賦得哈密瓜是

日廷尉得

賜瓜出以燕客

日至初陽芽客來不速會芳廚出南烹盛饌羅朔膾中筵甘
瓜陳異味嘉果最黃中色符坤附決說占兒未嚼齒先冰細
擘爪留馥臭敵腥羶降疾愈內熱瘥羣嗟方傳觀一飽或盡
噉憶隨宛馬來遠自金城外中苞土膏腴外禦雪霜敗鳥卵
黃輪困蟻脊綠癩疥伏礎張蒼肥斷頭月氏大玉食坐生光
皇棧識遠邁時從薦

寢餘下逮承筐拜主人廷

尉平尙書晨夜勸昨分御廚珍歸逐輕鞍帶恭惟寵貺新每
覺家果殺良讎方新歡醉懷俄古喟在昔我武揚勿遠天威
屈設障通玉門屯田盡奄祭入城新獻圖萬里競登玠遠隨
胡桃羞來佐周廟酌是豈張審夸要補立本畫妖狼偶失弧
并蜂遂聚蠶蛇蟠穴三吳蛟起毒九派厥包阻湘林納錫闕
江蔡敦苦歸無時師期代屢詿至尊歎臨觴諸將餓充
裨繆同禁門趨各望屬車蓋儒書迂無謀軍儲浩難會當時
犁穴庭猛士輳湯介貢珍遠猶來漕輓今無奈大官甘屢分
聖恩受亦太肉遺東方妻豚切壯士噲旣飽恃漿寒餘
芳助茗話酒多漸惡醒詩險聊鼓懈高談盡今歡嘉讌須後
戒

冒雪入直車上作一首

西清退直日在山密雲無風山漫漫睡熟不知窗竹折夜起
但覺貂裘寒天街十里散瑤屑馬蹄蹴冰朱汗熱癡奴瑟縮
傍車行豈識田公笑吃吃未央宮闕五雲邊瑤瓦瓊臺相接
連乍訝月光生照耀卻侵曉色增澄鮮咸豐
聖人天所
眷前日奏書大高殿豈獨滕六與吳二自是天心有回旋況
聞東南萬里皆豐年吳中斗米財百錢卽今臘尾見初白螻
蝻人土苗連阡吾輩官閒日縱酒寇盜潢池果何有明朝相
約城南亭更看西山如刻鏤

岳忠武名印楊漱芸大令丈索詩

先生手中一寸玉馬上烏珠真碌碌精忠豈獨岳家軍姓名

能制嘯兒哭江州投幘失檀公吳越江山入夢中宣和寶玩
青城土賸有朱仙淚血紅

消寒第四集穎叔齋中祭東坡先生堂上懸東坡遊赤壁圖用定惠院韻賦詩十二月十九日也

東坡扁舟寫良夜江上明蟾飛欲下一天星斗寒無聲萬里
風煙浩如瀉主人何來赤壁圖新酒梅花招旅亞歲寒我輩
各生愁銅斗高歌聊相借當時漫爲孟德悲歲月於今幾代
謝豈獨黃州是陳迹萬古乾坤如傳舍塞門寒月迴臨關江
岸危檣紛立蔗禿翁憔悴今爲誰寇盜縱橫吁可怕一笑且
從東坡游多言恐有傍人罵

小除日消寒第五集定甫齋中祭詩拜賈閩仙像

苦吟憔悴買無本官街毒手幾遭尹一紙煙煤豈能神再拜
蹉跎良可哂我輩嗜好真孤畸終日瑯琊愁肝腎李生句險
欲嘔心侯喜聲悲時出吻嗚嗚自鳴如擊缶鰕鰕遂多類東
筍有時蘭艾擢榛荆未免蝦蟇雜蛟蜃忍飢徒慕後世名得
意那計旁人憫雖然文字隨風煙何似衣冠走塵坳紅裙爭
醉富兒門珠履競躋侯家闔干夫唯阿乍登天一朝落其已
飄飄將癡較愚此差賢與蠹逐糴我安忍腐儒飽餐況無用
高才捷足自相引均輸天下籠緡錢技擊江南弄矛韞潭潭
廟堂方垂衣濟濟禹臯各補袞鋪張休烈須雅歌謳誦街衢
容愚蠹塗餽歲暮亦風同爆竹初更若雷輶廚丁磨刀向豬
羊竈婦曲鞦調養粉華堂召客鐙銜釭隘衙來人車接鞦諸

君各陳都市珍鄙人自媿潢汙窘佳句互誇金出礦短歌相
和音合龔終年勞苦宜汝耐斯世賢愚兩可泯昔與東野詩
俱窮世無退之氣先盡高歌豈真有鬼神深夜聊取相熱煖
更呼綠酒助豪吟判歸遺金向虛牝

園池南北焚蕪殄滿役人除之而未能盡作詩示諸同
人

丙辰

官居環明湖皎皎俯雲漢老詩爾何心卜居此泮渙蟠根旣
堅牢猗族日滋蔓坐使高荷新受此非種亂我憤召役夫授
器使擊斷深叢去枯株卓立放直幹凌晨偶臨窺已駭非舊
觀諸公畫地治如農惡越畔還令靈臺瑩猶留一私濶大功
幸垂成人事戒及半安得十夫強盡誅數畝剋游儵賀攸居

蛙黽樂相喚翠蓋涵沈深高葩弄照爛更當斟青筒相約解
春困

蝗過

乍驚飛翩翻復聞聲悉窅高驟如滃塵下墮類集雪日光摩
慘悽風力借飄瞥老農垂白頭未見嗟咄咄皆云此何祥昆
蟲興爲孽不知幾州禾爲汝供齧齧令甲秉炎火誰使長胎
穽何況卵育繁秋半尙餘熱五行災異家我記漢儒說厥罰
見高齋書舒視不哲堯舜明四聰雍雍皐與契此物奚
宜來有疑未敢決

得秦澹如杭州書卻寄

故人千里書午寢醒我目卻思十年初並坐禪樹綠相向終

無言一言良已足西湖山水佳亦復慕塵俗四十猶無聞祇
爲良友辱堂堂賢主人謬有一昔熟高譚輕當時聽者百夫
伏陳平念獨居出手捕產祿有口不能云甲兵或滿腹浙西
逼賊巢何術杜傾覆貪狼祭羣羊近聞萬家哭元瑜通儒書
遠謀望推轂

楊季涵同年

彝珍

武陵書來卻寄

半年兩貽書我懶憚作禽得君百篇詩終日開且闔孰知明

義高神交異嚙啗侯芭門下生載酒闢我闔

薛員外
福辰

逐獲聞

起居山花隨蠻榼荊州老司馬

黃同知
海華

不見歲十帀當年國

子師談經屢造榻海門我老友腊立賈島衲論詩穿窬冥俗

語不可雜

海門
學使

又聞薛曉帆

薛大
令湘

但未接綦靱君何太不廉

眾妙羅雜逕獨念巴陵翁雄談氣爽颯臨行贈我詩山谷遭

撫榻

吳南屏廣文去歲出都別詩甚佳

我亦戲和之有迹不敢踏封書久

未寄紙

統墨黯翁終吝一言氣峻戒妄合

南屏當言凡官職稍高於我者

即不可

近聞羅黃巾何處寓升合君昔捍賊徒三百縛鞋韉

咄哉書生雄豺虎落猛嘜凶鋒日已遠鄰里安伏臘芝閣當

常開朋簪快屢盍寄詩速和我持筵叩鎗韉

定甫穎叔招於湖上樓食鱸用今韻九鱸全韻

半年讀易不作詩一日破戒爲屠鱸團臍出黃泥含金銳跪

多肉沙得錯借醯發臭除腥臊春椒作末資筆灑誰言戈甲

能枝梧未近刀礚已節解膏腴無幾窮搜求細瑣欲棄猶脫

擺振中獲雋方自誇飽後擇肥可輒罷華筵相對金盞高飛

紙無事青銅買我生爲口如蘇坡況復有家鄰張薦

張文君
永嘉人

湖田晚秋新霜寒草泥一夕燈火駭山中公子味能諳頭

吏部食頗解六年京洛金樽疏千里江鄉戰鼓賊大官白酒

無黃封內饋羊腔伴牛奶已愁玉粒轉海難況見蜚螭渡天

縣痛飲得君高樓高圍坐招我矮几矮卻笑樽前強歌呼何

異釜中念渤海席閒積骸紛鯨尸江上斫賊思馬拐成羣束

縛終烹烹幾輩橫行真童駭可恨飽食守儒書盍就薄田栽

苦蕒日飲無何持兩螯夜弄嬌饒跼利躡但學丈人能緯蕭

何事高官思服獬

定甫頗望
爲言旨

強韻鬪詩我已窮草書無暇況

作楷

杻爲大風所拔王定甫以爲吾二人皆嘗有詩不可以

不補種予謂杻散材耳程侍郎既賦之子與定甫復
爲之詩於杻亦爲過矣予既於其地種竹卽無杻可
也復作長篇以資定甫一笑兼視穎叔

屋後古杻樹我昔寵之以長句戶曹王郎復詩之坐覺佳名
稱嘉樹昨宵雨甚風怒號大樹下壓傾林臯爾亦何爲隨洪
濤頃刻已失虬枝高王郎見之心怵怵謂昔程公文中豪獨
爲此樹箋注勞何況我輩先後揮吟毫勢須補此青森櫛我
笑謂不爾此中成虧有至理得無非分遭寵榮坐使意外生
灾沴君不見南岡松百年亦立風霜中豈獨倔強戰雷雨直
欲蒼翠回嚴冬又不見窗前柏萬牛迴首來匠石明堂大厦
要有用瓦礫泥沙可一擲杻乎杻乎爾不能與榆柳爭此芳

春姿又不能如桃李開花結實娛童兒偶得文詞假瑇飾卻
隨槎枿嗟塗泥有如庸才齷齪依門楣一朝失勢人共嗤坎
坷自古雖有數患難不變真無才我有一叢竹門前立蒼玉
尚書種此四十年猶似尚書在時綠食筍高齋以竹名有枉
何榮無何辱王郎王郎詩能工我今爲汝補種琅玕叢青鸞
嘯月聲琤琮得君和歌如笙鐘不須憶此枝嫪龍

秋垂盡矣尙未見霜今日始覺微寒而遂雨雪可異也

十月不能霜陽洩愁未閉西風日夕號山色喜可卽同雲曉
溟濛集霰俄凜烈秋氣久不應始寒乃雨雪是何舒慘殊須
臾已改節

天子朝臨軒大辟始一決

是日

貴雨廣重四于湖

明堂

聖人堯舜仁三宥在欽恤但恐人心漓鸞吏猛斬伐

漏網遺吞舟用法轉細屑冒死盜金錢輦轂幾流血何況萬
里外舞文安忍說 國家用政刑陰陽實樞轄得無諸死囚
尙有情可活一物天所慈對此坐愁絕

十月九日約同直八人展重陽于樂泉西舫酒後作歌

鴻雁南飛天雨霜籬頭尙有黃花黃年年登高富詩興日日
鞭韁趨朝行昔人重九號佳日容易秋風如逝翮偶資故事
補蹉跎樂泉齋頭夜召客客來西舍復東鄰雜坐不知誰主
賓已敕廚丁爛蒸鴨恰喜稚子新緡鱗西園當日盛游讌每
有詩篇令人羨尙書左田先生竹下能開樽侍郎春海先生藤陰屢傳
硯前輩風流今幾何承平舊事隨奔波卻借歌呼慰寂莫但
憐老樹搖婆娑昨日飲酒水西閣昨飲朱向書近光樓夜半打門北風

惡門前萬木聲號撞四坐無言燭花落今宵水南復開樽地
爐紅作三春溫狂談拍案仍脫幘起看落月階霜白酒酣相
向笑開口此樂豈在黃程後明朝上馬同朝天卻望西山
在馬前

華秋岳畫蘇子瞻夜游承天寺訪張懷民潤臣索詩
世閒白日爭紅塵那識人境有清絕黃州禿翁物外游令我
喜對華岩筆西掖官居蓬島寒門前寫影萬琅玕盡日清風
無客至今宵明月與誰看

靜默寺後院檐下有石數片臥塵土中視之乃沛天上
人傳方先生芑所爲文而昆明湛亨書也蓋方先生
供奉內廷時嘗在寺居而沛天爲寺住持有儒行

親愛先生先生亦重之故後爲之傳余謂寺僧寺既
無古碑刻此石乃鉅寶也不可以棄之勸其移度壁
間復識以詩

一月招提無過客偶向荒檐見片石蝸絲蟲迹浮黃埃每有
游人誰拂拭階前偃僂試讀之知出桐城文章伯海寬

浦天名

出家兄母依我舉問僧僧不知宗門遺事久茫昧我輩文章
誰惜之先生昔解南山獄曾與禁廷脩史局兩眸漆黑冠布
緇幾箇黃門常笑睥當時想爲便朝趨亦復愛此僧廬居曲
臺論高世不取幸有海寬尚可語旣死乃復傳以文亦欲此
僧垂萬古中朝大官字塗鴉煙煤紙色交傾斜曷不陷壁收
此石後有君子能摩挲我昔喜讀望溪作何幸僧留所託

雲山潛霍不可見晨唄宵鐘每相續卻憶當時韓退之苦將
材調惜靈師

次韻戲贈定甫穎叔

丁巳

子雲恨無若卿舌司空乃有城旦書欲取高官嚇妻嫂頗似
赤水求元珠相公食乳餐腹腴洛陽年少百不如但可高樓
醉風柳春漸已動宮門湖

次韻戲答鶴泉餉饅頭

膠州起麵如養粉遺我欲搜康成書鐘官赤仄賤如土京卿
二品愁炊珠家鄉餅大鮫魚腴東方九尺飢何如更索羹湯
向廚下聞君得粢宮亭湖

東齋

東齋昔未闢破屋迷蓬蕪其外蔽莞席其中棲薪芻伊威所
窟宅土竈呼甍甍有徑無人來來者蒼頭奴丞相養馬卒飲
酒或歟呼豈知有今日壁畫案墨朱明窗啟方瑣矮几鋪璣
瑜有時來嘉客玉珮瓊衣裾雄譚雜龍虎高論紛唐虞我亦
攜書史無人自吟唔西山見牆角眉色如畫圖門前一叢竹
玉立風舒舒檐柳雖未葉微黃新鴨雛朝霞爛文綺落日輝
金鋪豈記昔爲陋但覺今可娛夷吾稅堂阜薰沐三祓除溪
姬施朱粉嬌爲吳宮姝物有遇不遇豈誠美醜殊東齋室如
斗室小清有餘作詩賀東齋亦以寫我愉

新柳

春風十日湖隄上新柳陰陰綠十丈風流頗似少年人美服

麗都每自賞文君眉宇無愁顰飛燕腰支能俯仰滿湖晴浸
碧琉璃但欠扁舟來蕩槳前山桃李能白紅昨日作花今隨
風丁香未雪海棠小似爾偏能專春工雖然材質非梁棟要
是天心相鄭重相逢行樂春光時吾輩何者非遨嬉先生睡
起百無事有酒來聽雙黃鸝

子昂商山四皓圖

圖子房招四皓事

五世相韓終報秦卻識真人自有真猶出餘技定漢儲穀城
黃石真能神當朝期期久束手羽翼乃資逃秦民牟駝劫後
來白雁龍種往往愁風塵王孫來作秀才官神妙江都惜此
身

又題李迪山水長卷

明聖湖東漸江水尋源直到仙都山羊裘故人牧羊客昔嘗
偃蹇湖山閒我飲山光吸湖淥舊日扁舟幾往還無端姓名
動京洛有時遠夢空煙鬟李成丹青笑董巨安得人生一日
閒

義馬圖沈朗亭前輩

兆霖

索題

昔誰騎此胡青驄營門追賊與賊逢直前奔敵逸絕蹤有來
賊徒浩呼洵青絲絡頭牽邁邁絆之不動百不從奇哉乃以
敗爲功或有追者以戈撻與馬俱獲首帕紅還歸伏首馴羈
籠平沙淺草楊柳風紅絲牽地桃花驥兀立堵牆何從容疆
場回首忘其忠棘門霸上紛羣公或坐而食千夫雄以城餽
賊前後同甚者拜屈如僕傭嗟哉愧此圖中龍

庭中海棠盛開久之未得一詩適穎叔以大樹蔭看海

棠詩見示卽次其韻

猩脣點絳猶緘封已有消息傳黃蜂東風攬眼枝枝紅十斛
不索胭脂供明妃宮粉非蒿蓬夢雲來自巫山峯畫圖延壽
愁國工鸞枝簇簇開牆東新妝百巧爭春濃彼真俗豔此天
人縱以貌學神匪同恨我四十成老翁鬢毛入鏡羞龍鍾錦
衣玉貌坐多感洞房華屋猶奇逢有花莫教金尊空十千買
醉思新豐明日嬌紅變淡白能來相賞君無慵

庭前白丁香花亦甚盛復疊前韻

繁花乍坼綠萼封幽姿慘澹無蜨蜂丁香看白不看紅膽瓶
雪色瑤枝供世閒凡豔春蓬蓬老梅魂返孤山峯不復渲染

須春工海棠國色牆西東此能淡妝彼能濃五家作隊如錦
繡八姨舉止人難同作詩昔年愁黃翁花時往往違金鍾我
亦看花始此度文君少寡驚初逢余所居即左田先生食筍時適以官事他往予居此二年去歲花開時亦適在關中狂風三日聲捲空花事猶喜今年豐而花皆無恙其待瑤階散繁雪勤烹茗扶春慵昨日來見瓶中丁香花以爲白丁香素豔似少年養亦妙喻也故以文君況之

樂泉西舫後有鸞枝一株作花豔甚以爲怡翁所居不
得一賞日日遙望而已復疊前韻並呈怡翁爲戲
春花爭出不可封翳翳滿屋喧蜜蜂鸞枝隔牆尤嬌紅百態
似競雙眸供官居仙山壺與蓬知有絳雪開嶰峯循顛及趺
翦簇工一色不辨枝西東但恨過作胭支濃阿嬌自是金屋

貯珊瑚疑與石家同長孺與我雙禿翁平生豈無情所鍾
然一笑臣東家牆頭相望難相逢我今見色知虛空樂天老
矣小蠻豐莫愁蝴蝶穿花急物外莊周夢亦慵

悼邸送牡丹四疊前韻

留春戲作繭紙封

花垂開而悼邸有上事云以紙束之可留十餘日

陵一朝放出

驚游蜂異色澹白兼深紅春風試手愁難供官居下士來華
蓬羯鼓豈語青山峯宮妝自是王家工春風移著東齋東滿
堂香霧煙麝濃磁瓶斑學鷓鴣淺銅斗碧與蝦蟆同烏皮淨
几欹詩翁疎簾相對琉璃鍾西施不復思吳宮似爾尙未爲
乖逢惡風十日枝頭空餘春獨覺吾家豐樂泉泉水若甘露
曉灌更督長須慵

秋濤光祿

載肅

復翦牡丹數十朵見送戲答五疊前韻

君家名園無局封

昨日偷看隨飛蜂

昨至秋濤園秋濤適不在家

芍藥未

放牡丹紅今朝喜得園官供東方細君頭飛蓬我鬢欲學南

高峯芻蕘自謂裁翦工往往輦走施家東豈若君家蛾綠濃

有花試令插滿頭顧影當與花相同無鹽新妝媚老翁一笑

且爲揮金鍾亦知君意良不薄但恐花訶非所逢千枝幾日

飛團空知有芍藥豔且豐凌晨帶露更相餉與奴白飯來毋

慵

少鶴所居樓前柳今春竟枯少鶴有詩予亦繼作六疊

前韻

將軍猿臂老不封三年桂水愁莽蜂翎毛刷翠帽頂紅筆札

嗤汝奔走供長松之下生蒿蓬青青直欲高岑峯王郎笑語
百不工高樓獨凭明湖東有柳昔見青絲濃春來亦立忽無
色得氣或與畸人同中朝老婦數老翁銀章諾唯食鳴鐘此
豈雨露天獨厚天自無意出人逢我今卻喜繁枝空一窗全
得山光豐莫持事來坐挂笏有酒更爲澆睡慵

前年從樂泉西舫移得芍藥三本植之食筍齋前至今
春乃作一花七疊前韻

豐臺芍藥千戶封家家戶牖分房蜂城門壓檐初日紅爭新
日出日不供佳人睡起雙鬢蓬宿醒未解留眉峯妝點各喜
朝來工我昔移植來牆東幾歲不放猩唇濃偶然一花難再
得優曇鉢現將無同繁華各自希天翁獨立豈非春所鍾齋

頭牡丹洗曉露開簾一笑欣相逢世閒得失浮雲空不知誰
嗇誰爲豐新詩麗語相矜寵漫山紅紫東風慵

遜學齋詩鈔卷第五終

遜學齋詩鈔卷第六

瑞安孫衣言劭聞

古體詩四十七首

劉松年李泌牛車圖

犢車歸逐赤松子山人衣白不衣紫人閒富貴能超然無怪
功名如郭李潼關倉卒成播遷朔方再造真回天老臣雖失
張九齡童子乃有員半千幙中婉婉子房畫指搆諸將若基
弈九重有意濟艱難可惜潁陽已歸客天心自古有亨屯廢
興有命亦由人吳山行樂青城辱辛苦劉郎下筆親

定甫以董文恪公畫竹一幀見贈懸之食筍齋

官居黃山兩叢竹想見黃翁面如玉當時豈無妙墨畱往往

煙煤棄殘幅戶曹此紙出富春移我堂中稱墨君畫家美好
我不解要似爲我竹寫真黃山嶽嶽富春後百年相望此兩
叟今人相接古人稀豈徒翰墨今無有脫纒新篁半過牆滿
堂五月常風涼卻看此畫可無竹桐君山色思吾鄉余先世富春人
日午三天初下直獨坐黃翁竹閒石戶曹洗沐久不來閉戶
清風哦蒼壁

炯甫大令來與穎叔少鶴同飲得墅字

與君相望隔城櫓半年不見燕視楚黃塵赤日相炊煮閉門
畏出如畏虎林侯王子成儔侶文字避人各矜許有時無事
默獨處高篁瘦石聊爾汝園林萬木秋所貯新蟬曳絲出機
杼蓄蓄曉妝媚湖渚日日開門翫處女東風自來高蓋舞異

香入鼻薰藏府此時頗復思君語果得君來匪所仕王于居
作柁樓俯西山日落蒸炬火林侯小齋較幽阻酒盃四人復
對舉樹頭白月拓强弩雲裏清光吞更吐盡收水色入窗戶
但欠漁歌和橈觴大魚淺潯忘刀俎老蠅呼應鳴鼙鼓草蟲
撲鐙爾良苦細視才能具翅股眼前擾攘那復覩醉後狂談
聊有取夜深月落客歸墅重露墮林如過雨

張藹如

士保

山水鶴泉侍郎索詩

子瞻嘗恨工不藝自古丹青有餘事五府交書不出門豈獨
荆關在留次醉翁踦立谿巖幽與誰說此空山秋題詩急爲
歸囊褚莫遣人汗寒具油

鶴泉爲言藹如明經好學州舉孝廉方正以率母不應宜其畫之閑

淡與人
殊也

林教諭太冲蜀寄蘭谿絲煙戲謝以詩

廣文先生老好事蘭谿煙絲爲我致我聞此物名相思包裹
重重識君意平生嗜好同飲茶澀吻枯腸有所恃自從烽火
橫江壩富商南楚久不至京師食湖南挺子煙京師大僧能巧奸往往
薰蕕雜非類豈有芳香解渴飢但恐邪火增病肺今朝一紙
解我顏千里那似鷺毛寄門生柳下煙名家販脂酒削兀然
異知君寄我不取錢自是魯人未趨利前朝厲禁淡巴菰妄
謂毒人若烏喙茶妃酒友二百年始信日新自運會唐宋始有茶明
始有煙皆非如五穀之不可以一日無而爲民日用乃與五穀
等此造物氣化之新不可以人力絕也故吾嘗謂異日之鴉
片煙亦必不可禁但聽中國人獨恨無人爲頌德不比茶經
自種之自食之則亦若飲類耳富文字偶然借此爲詩篇欲爲芳草添故事小鬟吹火趨來

前腹中詩香書有味略有遺恨味過辣頗似先生性薑桂或者恐我輒隨俗以此爲砭良非戲向使頓首再拜嘉時能相念後當繼

甫下直少鶴穎叔先在便坐予就室中飯飯畢視客則皆去矣戲問以詩八疊前韻

朝衣乍脫蛾破封狂逐野蝶隨山蜂樹陰遮斷夏日紅遶花
百市愁不供打門二客披徑蓬錦鞍被馬鞍雙峯一見各謂
笑語工芙蓉湖北修簞東茶湯潑作春淥濃我飢欲飯君自
飽慢客豈與陶潛同秘書上馬逃坡翁飯後惆悵誰聞鍾便
旋試索道士香拍手知有童兒逢鳴蟬作隊麀晴空脫綳尙
餘嬰兒豐明朝治具早過我灌夫亦訶丞相慵

昨約穎叔看花而穎叔不看

來

池荷大開而食筍齋後特盛九疊前韻

官居種花如分封往往偷采訶鄰蜂食筍齋邊萬柄紅荷花
獨爲老眼供亭亭不復知葭蓬嬌雲四面青千峯水妃亦惜
裳衣工環湖以西樂池東平鋪蓋盡明鏡濃詩人看花走語
我此閒第一餘難同胡亭前輩云今年池中
花盛在京師爲第一昨朝黃衫來仙翁何子貞前輩
昨在此石花對花與誰淨千鍾紅雲擎水翠葉風此語韓
後不可逢子貞詩嬌雲擎水紅映
空翠葉無風響成陣我惟好色未能空大隄土
女爭嬌豐作詩贈花索花語遣誰屬和能無慵

今年次第看花皆用封字韻園中花皆有詩矣獨馬纓
花不開然亦不能無詩十疊前韻

一春詩思難藏封如蠶出絲花釀蜂海棠開到蘂萼紅春風
百變天能供枯腸芒角何鬱蓬海雲出沒千層峯亦有知者
謂我工合歡花在海棠東去年壓樹纓絡濃奇句久蓄坐相
待示我用情能和同名篇迺讓黃山翁左田先生居此幾回
滌筆孤裘鍾是豈化工畏發洩或者美好殊遭逢淋漓醉墨
摹虛空天之所吝我猶豐明年花開倍還我女夷戒汝毋貪
慵

次韻子貞澄懷園看荷花

廿年朝官不得進正坐讀書少俗韻昨來卻作散人遊草露
芒鞋半沾潤澄懷荷如萬錦張走馬看及五月閏新詩出險
奇無窮片紙投人不吝知君此事有天機解道翠葉成風

陳兩年禁近容疎頑妄事鞍鐙隨輕儻天上歸來學閉關獨
與幽人通詩信今年花盛昔所無百態爭新春能醞每窺曉
鏡憐紅妝但搔短髮羞綠鬢水軒四展碧紗窗酒樽細坼赤
泥印輕風一縷香來徐白雨滿湖珠走迅偶然閱物俱清新
那復與人角雄駿今君罷官轉能豪視世一闕何足瞬荷花
猶好可數來莫待涼鴻送霜訊

譜經前輩小清涼界圖

高車大扇奉朝請退食齋居坐深甌細書磨鼻云清涼得非
先生方寸靜故鄉千里松陵東鱸魚味與松江同鷺脰湖頭
無六月何時一舸向西風

朝鮮鄭元伯

散

山水潘伯寅學士

祖蔭

所藏

古樹幽巖老無敵筆妙乃出三韓客何人曾渡嶺溝渠綠水
白山如咫尺草蟲妙手柳宙雲更有畫師鄭廣文寄語風流
潘學士狂豪他日續奇聞

寄答太沖學博蘭谿來書

林叟貽我書讀已令人涕自云衰白翁老矣不及事我不以
爲然公老勇有氣盜賊猶未平曷不萬夫帥不見江淵李績
羅拔起本荒翳侍郎昨薦賢王子槐侍郎頃以人才入奏未許徑謁

帝中朝眾舉夔本不借下士但恨乘軒車往往販脂冒幕
府並大江七年尙兒戲國論久未申何術持凋弊我官幸陸
沈無與事興替所惡視聽近未免熱肝肺苦思博士堂山縣
若避世論道談詩書弟子日三四於世遂無聞養生絕憂慮

況公飲能豪無事勤買醉

十月十七日陸放翁生日與少鶴穎叔集祀食筍齋會
者沈朗亭侍郎潘伯寅學士張怡琴前輩曾樞元同
年

放翁飲如長河傾一生尤喜言蜀行海棠花國日縱酒往往
巨瓶隨長罌酒酣脫帽復大叫醉態不畏常兒驚是豈此翁
眞放浪要自憂國心崢嶸食筍齋頭詩集像七百餘載猶平
生更得賓客助談笑但恨盜賊纏吳荆宣和割裂五十載有
志尙欲清秦京江城狐兔那足戮行埽窟穴誅孤嬰高才諸
子各清祕詠歌他日宜昇平我生視翁欠豪飲但有詩句猶
縱橫當筵爲翁作豪語燭花一尺翁來聽

歐陽公生日諸同人集祀慈仁寺少鶴以次祁相國韻

詩見示要余補作卽用其韻

鐘魚無聲聒朋話滿院松風助清快千年文字思昔賢一少
冠裳趨夙戒城闔尺咫欠追陪官府神仙令興敗人情自愛
街塵高薄俗漸成世議隘戶曹能文衆不怡相公好古世所
怪歐陽政府壯卽登蘇穆磨研勇不懈立朝風節崧崔幾下
筆波瀾江澎湃方從杜富調鹽梅豈獨韓馬導流派門生後
出猶蘇瞻宰相異時用王介自來學術爭僞真何況人心遞
衰壞玉池西齋樽嘗開滁州遺影我屢拜盛會重就亭林祠
嘉招恨阻青蓮界聲雌步碎慚言文高頰雄髯猶見畫古人
雖死聲名存年少不學歲時邁坐思諸子能飛揚更得佳篇

鼓辱僊斯文金玉空遺嗟幾輩阿諛我所喟作詩壽公公豈聞簾外旋風走土蕢

穎叔爲山谷作生日予亦未及與而穎叔索爲詩亦用其韻

年來作官治絲素有似九河挾四汶朝朝笑語能熟圓往往車鈴美聲韻頗聞陳遵樽常開不及公榮飲每靳昨日失看慈仁松今朝又沮東華坊宜州老人江夏黃昔仰文星在斗分高堂何來詩龕圖扶桑坐見朝暉暈詩人前身洞山禪嚼蘂茹冰不可近豈假曠齟增妖妍要自風騷久醞醞近來苦心學者誰閩南林子最始奮金剛窟中石子瘦活溪壁上苔花豐欲挽古音歸笙匏更爲世耳洗靴鞢我詩變格偶遊戲

坐對涕唾妄收攬絳守語澀有人愛侯喜聲悲每自慍常欲
乞靈雙井茶恨不同薦建溪蘊枝頭蛻羽吟清風幾日羌郎
已出糞池塘老蛙猶郭郭鼓腹膨脞目張僨每思雲海就沈
寥自非鵠鵬難徙運宜州老人呼不聞作詩好就林子問

姑蘇王韞齋嘗夢其前身爲劉貢父作夢劉圖以紀事

其弟子劉泖生戶部

履芬

索爲詩

宋在嘉祐閒君子蓋道長范韓邦翰屏文富國倚杖大儒司
馬歐氣類尤善獎大哉仁宗仁虎嘯谷風響坐致宋祚康泰
初異蠱上臨江賢父兄師友自相尙與歐尤義交議論秉公
讜勲業固未侔風節亦豈讓圖中何人斯東南吳沃壤美麗
紛華中覓絕志所向殆非佛家言寤寐見宗仰宋儒有周風

我亦屢夢想

王蓬心浯溪讀碑圖其守永州時以寄夢樓者有夢樓
草書自作詩十數首許尚書索題

太守恨無山水記畫筆磨崖有文字快雨堂虛日坐禪爲君
行草非無意西湖丈人今得之滿園風雪索題詩但爲涪翁
難下筆摩挲亦恐鬢成絲

快雨堂王禹卿所居堂名

喜雪長歌是日適聞瓜洲之捷十一月二十日也

先生睡起窗吟風天街不聞車隆隆但聞童奴起掃地又云
雪壓竹兩叢先生躍起窺瑣窗猶疑曉月光曛曩交花舞玉
來未已我亦吃吃如田翁臘前三白主大熟有田乃在甌越
東前年去年冬無雪蝮螭生翼如蟻蠊大錢十枚買炊餅或

愛頑鐵嫌青銅今朝白天雨黍粟復驅瘟癘歸消融

聖

人昨日始下詔三王祈雪趨虔恭天香篤耨猶未降

今日發大藏香

下而雪已沾足矣精誠默祝天已通何況憑江殪巨盜捷書夜報清

晝同自誇鑿窟蛇蝎豈知入地隨螭蟲鎮江金陵唾可得

秀泉阿旺戈當春書生黃挂已粲爛將軍茅土行侯公天心

佑助爾何蠢後降者戮前者封吳民脫絳謀冬種壯士卷甲

歸春農十日一雨五日風產祥生報無時窮

聖人惕厲

猶雍宮大臣可否無阿容先生侍書真無功作詩但能歌咸

豐

祭竈戲書

街東街西花爆競乍斷還續相呼應初更城柝暗無聞餞祀

神君風俗盛，僧廬假館雖。醵來廚下潔，齋敢忘敬滿盤飮。
梨栗香大官，昨日分黃羊。糖瓜豆餅復羅列，欲脩故事如家鄉。
温州春橘猶未到，京師賣吾鄉柑子謂之温州春橘登俎頗覺無輝光。
自古書生笑寒餓，況我青氈坐將破。豎儒碌碌安足責，廚具草草真無奈。
但恨三年王者師，未得一言相劇磋。心知鯨官棄，不能不敢欺神此我過。

人日集飲繡山齋中分得濁字

時有朝鮮客在坐戊午

寒去冰先知，春新草未覺。開年罷走趨，落日畏城郭。
偶偷頃刻閒，來就友朋樂。廚烹妙選珍，坐客美映玉。
才人競冠裾，異製怛巾幘。語通知熟來，音佚希古學。魯川云高麗方當有古音或喜酒杯深，我恨詩令酷。
枯腸搜棘荆，硬句出礪确。聊資君笑嬉，莫

校語廉濁

次韻酬金肩生都轉

安清

十日河上舟識君猶下位風塵馳旌麾或以高才累姓名驚
朝廷意豈在湖翠官高期活民善葆心所貴

東市兵食急君相屢仄席楚吳大都會富恃官鹽白我惜
寒女衣不先彤廷帛爲國計久長他日使可籍

爲李小麝前輩題雙麝閣畫冊

畫家美好我不知眼前百卉春生姿戈波掩映我尤羨桐花
當日鳳雙棲吳中才士陳驚座文采相承能幾個翰林公子
清瑤瑜題詩試作鳳將雛

又題雙麝閣蘭竹

畫家竹蘭無上品冠絕羣芳幽且靜人間女手能得之楚淚
湘香惜淒冷傳家翰墨勝籛金珍重賢郎識此心卻看南國
迷陽滿遙憶洞庭秋水深

前湖荷花盛甚戲作長歌貽伯寅學士

激懷官湖三日雨滿目荷花相向吐平鋪綠葉千盤盃高出
紅葩萬火炬去年屋後花最繁路上行人驚未睹今年爭向
門前開食筍高齋無煩暑蓬瀛天上我未知若論人閒鮮比
伍侍郎朗亭前輩看花屢嗟稱謂此有祥非漫與我謂此乃易知
耳花亦與人爲儔侶長安塵土紛相驅此閒賓主清可數雖
然學問非時須每有文章可千古花亦以此爲寵嘉作意與
人相矜許譬若奇材遇時見不然低抑避讒沮妙年學士湖

西居東望吾居蓋百武一門正對仙雲開八窗洞向明鏡俯
朝回下馬輒相尋每對荷花隔花語平生頗恨讀書多論事
已遭俗子侮不如日看門前花更拘蓮觴酌清醕

定甫穎叔招游碧雲寺宿焉二子有詩余亦作長歌一

首以紀其事

睡餘日腳來屋除平頭搖扇扇流珠幽人好山不憚熱欲追
清景如亡逋雲間雷鼓鳴嬖媿西峯潑墨爭東趨狂風掣勒
不成雨徒欺晚日光模糊游山有興常賈勇卻望山色驅我
車車前雙塔屢轉側前取細路行縈紆山勢漸合草木潤環
抱不泄天所儲羊腸聲遶石磴确二子並轡雙名駒宮垣
嵒嶮切霄漢右入一徑開精廬玉螭吐水如白雪一笑喜與

茗盃俱登高望遠復極遂鞠躬偵伺僧睢盱長松離立皆白
尺細濤風送吟笙竽伊蒲飯飽更少坐置身已覺淩清虛夜
深入靜萬籟絕泉聲益激時疾徐高江急峽昔屢過有似野
泊眠溪艫又如田間春雨後羣流漲瀾爭鳴渠朝官十年今
欲去青山瀟霍眞吾居何況二子皆南產坐辭泉石徒區區
人間何處無此樂曷不相約歸耘鋤

次日復同過臥佛寺而歸又作長歌一首

夜深欲睡聞晨鐘起視天宇東方紅日色已在西北峯我遊
樂矣兩馬馳沙石确确車隆隆門前華表標巍崇入門雜樹
青蔥蘿杪櫺可蔭一畝宮一佛長身眠曲肱與世豈復關昭
聳旁視大駭悲填膺尼父危坐猶章縫右列女子清以丰嗟

是安取欺愚蒙聊復舍去窮幽穹有僧導客歸房櫳前列細
竹清生風其西堂宇尤穹窿嚙嶮御榻森當中方池渟碧
荇藻封石螭吐水如奔淙有源曲折來高峯峯前石壁青百
重藤蘿謾謾松柏桐十年奔走京塵紅坐覺台蕩青無窮軒
轅之遊升崆峒昆吾御宿皆神功先皇御極

尤儉恭

詔斥上苑容耕糞諸祠盡罷無官供當時無

事常歲豐盛德乃與漢文同嗟二三子猶晚逢

今皇繼

聖登夔龍兩階干羽何雍容惜我遠去將從戎潤色猶當須
諸公何時薄游從上雍題詩更和風入松

余解易至明夷而有出守之

命反覆象辭益信易

可前知自此人事日多恐未能竟其業矣因述一章

以俟他日

朝臣出治郡於古理宜當果能澤及民孰與官冗長時人功利腸頗爲汲黯望或曰明見傷豈知行有尚但恨兩上疏尙未竭忠諒且當棄詩書拯世用馬壯南狩得大首此語信豈誑近聞金陵城賊已斷饋餉安慶僅彈丸雲合諸猛將速行生擒渠爲儒安可量我知貴艱貞不復校得喪政成占家人父母衰待養

爲祁實甫相國題食筭齋圖

圖爲園廬真景嘉慶庚辰黃勤敏公三子寸園

足民

爲其弟殖園

富民

作道光丁亥實甫先生移居此齋

殖園以圖移贈先生題詩幀尾寸園和之勤敏公復

和之書齋諸前輩和者殆徧予將出守安慶先生以
子亦居是齋復命次韻

門內清陰立叢筍門外仙雲照花朵六時花鳥交窗前
圖書樓榻左看竹惟嗟昔人非隔牆但對西山坐人言上界
官如仙豈識天街風揚堞穀城石化不知年晉祠久已思歸
舸搏沙聚散更無常我今又亦辭青瑣眼前花竹皆離愁幸
有畫圖留前果卻思萬事本隨緣誰信一官真謫墮臥治長
孺雖未能偕隱公麟何不可新詩吟罷復茫然歲月如飛車
轉輒他日披圖猶視今當時有竹尙無我

黃勤敏公以嘉慶
甲戌種竹齋中而

余以乙
亥生

次韻春浦相國慈仁寺古柏古槐

閒官無事日縱酒城南車馬朋四三慈仁古松人所羨猶憶
並轡窺精藍松閒席地拾松子坐中一叟如彭聃謂臯喬前輩歐
陽門下閱七載至今纔得親笑談相國爲余庚戌讀柏槐新
卷師而今始相識詩復示我展卷蕭颯長風含句奇語卓見天骨人閒蒲柳知
難堪卻思枝榦撐雲出知有雷雨當春酣丞相祠堂氣浩浩
商山眉鬢風毵毵我昔看松不及此爲名所震心懷慚廟堂
梁棟終有用風塵巖壑今所甘新恩治郡臨淮南行色悽惻
憐飛驂彈琴和詩恐無暇賞奇愛古情猶貪知公未老能相
待他日拄杖隨禪菴

春浦相國園居時嘗爲食筍齋十景詩比予來居舊時
景物有不可復見者旣而有出守之命行將別

去則情況亦不復同矣既讀先生詩因各綴四韻聊述鄙懷

我始居此屋有竹不及垣豈知廿載前滿屋青琅玕殷勤復手植終未還舊觀是以盛衰際君子思其難

竹徑

老屋猶焚餘迨今逾百歲外觀那能華要自與衆異我愛南窗明攤書作細字三宿尙餘情中道惜相棄

老屋

慘舒本天意我畏傷我花春風何漫誕蜂蜨亦羣譁但恃一念愚或爲天所嘉廩秋復吹擗況我已天涯

借春陰館

東峯卓孤標下臨一泓水泓水涸無源峯或劓其趾高榆亦立枯苦心畏螻蟻卻思奮揭功昔人豈得已

東峯

開門俯澄湖風止碧波永明月林際出深抱一珠定清虛雨

相受悠然我本性夜深磐石上浩然發孤詠

月湖

芙蓉湖東西紅雲出翠葉小橋跨其閒行者日相接十年西

湖遊猶憶維短檝佳人期未來看花常獨立

影荷橋

我本山中與人山日相見官居猶看山尤喜腰腳健得郡南

臨江青山城四面風景固不殊君恩亦當戀

見山臺

相公昔種藥桔梗與黃菊根株不可尋我來乃種竹春雷新

雨餘森森萬青玉是當名竹坡或曰篋簪谷

藥坡

澄湖遶屋流水深岡灣環密林初過雨芳馥如杜蘭窗戶罨

新綠雙扉遂不關但恨無吳船浩歌蹋兩舷

兩香洲

磐石據湖麋游魚亦無數常時義獻徒高情託縑素書生今

從戎枯毫棄霜兔磨盾濯江流下馬草露布

洗硯池

次韻贈徐雲石同年雲

樂陵宗伯昔選士我年最少才廿三錢王城郭及秋賦同輩
五六棲伽藍文場角藝俱連北或疑取舍師錢昉風雲自此
各離散夢寐有時猶懽談長安城門昔送別忍淚不落酸中
含十年郡邸復握手江潭情思知何堪寒燈無色坐相向市
酤雖醖難成酣怕談故舊或搖落況看毛鬢同蕭飀一官竊
祿我偶先四郊多壘真當慚大臣老謀皆管樂壯士奇節誰
陳甘今君在北我將南膏雨會當隨行驂知君不學酷吏酷
我亦敢酌貪泉貪政成他日各鄉里茶煙風裏話禪菴

王定甫招

陪春浦先生暨王子懷侍郎

茂蔭

段春湖學

士

晴川

林穎叔工部集慈仁寺復用前韻

時王侍郎新謝病去

昔者張王處同巷日日客來不速三兩君淵源皆六一每云
琢染成玉藍我久及門今愈暱坐窺顏髮如老聃戶曹番休
復召客相公無事餘清談坐中一老新挂冠忠肝古誼心包
含雲臺議高惜屢誤臣甫憤切誠難堪尉佗蠻夷益慢倨臨
江節士誰戰酣酒閒論事怒拍案可惜老鬢雙毵毵二公罷
去真足樂一官俯仰我當慚平生讀書思及物尺寸未展匪
心甘禪房古木城西南聊就酩酊停行驂涪翁詩句有古趣
穎叔好山谷詩長史書法殊今貪春湖好古但恨張子久不見苦吟
何處彌陀菴

壽陽相國招同子懷先生定甫戶部霞舫前輩穎叔工

部集慈仁寺復用前韻

行人不行日飲酒慈仁高會今也三相公四年避朝論走馬
挾客參伽藍平生交游愛支許況復斂退師莊冊冠纓角逐
萬人海豈知六客同元談驕陽毒暑久不去寺門古木秋能
含蒼皮黛色自可愛明堂大廈真誰堪高齋食筍傍榆柳對
面不語蜩蟬酣卻喜佛地風蕭爽坐聽細籟松髭麤漫欲畫
圖識公意相國出觀戴鹿牀侍郎所作雙橋精舍圖及某君
作靜者室後欲亭圖凡三卷雙橋爲園居舊廬靜者室則指近來慈仁之游
而後欲圖蓋自寓歸思也溫州甘北維恆嶽瀾霍南他日相憶同
稻我豈湖渚忘霜甘子有名雙驂相公壁詩作行草神物不畏偷兒貪相國所留寺中詩
蹟月前爲偷兒捲去我亦效公留爪跡時拂塵土開雲菴

將之皖省予婦攜涵兒旋女先歸與別于江上因爲詩

二章令其持呈大人兼示仲弟

數年從汝曹頗有室家樂云何隨牒行乃復感离索猶謂王
程寬便文冀可託中途讀 詔書中丞相催促豈無子婦
情 君命要當恪相送江上舟前途恨乖各甯親尙未能
淚敢爲汝落速行趨庭闈爲我潔羹臠仍當頻寄書遠慰情
寂莫

去家垂七年雙親日衰白我弟使車歸亦已十載隔誰謂天
倫歡相沮在咫尺大江自南來青山紛重積此中有歸路何
苦愛官職讀書三十年立朝無奇策猶當康遺民稍稍拯飢
溺雖然疲敝餘兵老復乏食治匪空言爲欲爲況未得我

亦速歸此別不足惜

出小河口順風進三江營

我乘萬斛船入此一丈湫蹄涔尺寸水偪仄不自由三日行
十里汗雨舟子愁卻顧羣小舟投閒如逝鱗旁觀或撫掌自
視亦可羞今晨出大江濁浪高山邱長桅十丈帆劈箭趨中
流有似千里鯨掉尾海上游豈獨狎波浪直欲淩滄洲始知
昔留滯時也匪汝尤士生誠有志束縛無奇謀得時乃一縱
我其如此舟

舟沮夏次時安徽軍士李某陶某以大帥旗來導行遂
乘夜抵江口陶李皆滁州新歸正人嘉其意作此贈
之

我昨停舟在夏次冬深水涸船底高舟人束手坐無策乃有
二士李與陶大帥虎旗來導我船頭拂拂開雙旌十年儒官
笑寒乞一朝俗吏偏雄豪二士前行手指揮漁翁估客皆藏
逃此意洵美我所愧恨無大肉澆醇醪乃云民等居州部來
迎太守匪爲勞我聞二士新自拔愛禮識義如吾曹固知無
人甘作賊常時逼迫由官饕壯夫報國貴有志將相無種惟
所遭自來太守稱郡將況我投筆從弓刀二士見愛更從我
爲國滅賊清江濤